

**ODLUKA**

**O PRIHVATANJU ZADUŽENJA FEDERACIJE BOSNE I HERCEGOVINE  
PO IV STAND BY ARANŽMANU SA MEĐUNARODNIM MONETARNIM  
FONDOM**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Parlament Federacije Bosne i Hercegovine na sjednici Predstavničkog doma održanoj 6.9.2012.godine i na sjednici Doma naroda Parlamenta Federacije Bosne i Hercegovine održanoj 4.9.2012. godine donio je:

## **ODLUKU**

### **O PRIHVATANJU ZADUŽENJA FEDERACIJE BOSNE I HERCEGOVINE PO IV STAND BY ARANŽMANU SA MEĐUNARODNIM MONETARNIM FONDOM**

#### **I**

Prihvata se zaduženje Federacije Bosne i Hercegovine (u daljem tekstu: Federacija) po IV Stand by aranžmanu sa Međunarodnim monetarnim fondom (International Monetary fund) (u daljem tekstu: MMF) u iznosu do SDR 225.466.667 (cca. KM 534.416.876), što iznosi 2/3 od ukupno odobrenih sredstava za Bosnu i Hercegovinu u iznosu od SDR 338.200.000 (cca. KM 801.625.314).

#### **II**

Sredstva kredita koristiće se za podršku Budžetu Federacije u cilju finansiranja budžetskog deficita i unapređenja srednjoročne fiskalne održivosti, očuvanja kontinuiteta aranžmana valutnog odbora, uz istovremeno usvajanje politika za rješavanje fiskalnog debalansa, jačanja finansijskog sektora i provođenje dogovorenih fiskalnih reformi.

#### **III**

Kreditna sredstva iz tačke I ove Odluke odobravaju se pod sljedećim uslovima:

- rok otplate: pet godina;
- grace period: tri godine, počev od dana doznačavanja svake tranše;
- svaka tranša se otplaćuje u 8 jednakih kvartalnih rata nakon isteka grace perioda;
- kamatna stopa: promjenjiva, koju određuje MMF za SDR (trenutno 1,08% godišnje);

#### **IV**

Sredstva kredita će se doznačiti Budžetu Federacije u periodu od tri godine u tranšama. Svaka tranša biće utvrđena i doznačena nakon ocjene MMF-a o uspješnosti provođenja programa, putem kvartalnih pregleda kvantitativnih kriterija izvršenja i strukturnih reformi.

Uslov za povlačenje prve tranše za Federaciju je usvajanje od strane Parlamenta Federacije Bosne i Hercegovine:

- Izmjena i dopuna Budžeta Federacije Bosne i Hercegovine za 2012. godinu
- Zakona o izmjenama i dopunama Zakona o Agenciji za bankarstvo Federacije Bosne i Hercegovine.

## V

Ovlašćuje se Federalno ministarstvo finansija-Federalno ministarstvo financija da izvrši reprogram obaveza kantona po osnovu III Stand by aranžmana sa rokom otplate do 5 godina i kamatnom stopom jednakoj kamatnoj stopi koja se obračunava za plaćanje obaveza prema MMF-u po osnovu IV Stand by aranžmana.

## VI

Za realizaciju ove Odluke zadužuje se Federalno ministarstvo finansija-Federalno ministarstvo financija.

## VII

Ova odluka stupa na snagu narednog dana od dana objavljivanja u „Službenim novinama Federacije BiH“.

PF broj: 01,02-14-1073/12  
06. septembra 2012. godine  
S a r a j e v o

PREDSJEDAVAJUĆI  
DOMA NARODA  
PARLAMENTA FEDERACIJE BiH

Radoje Vidović

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH

Fehim Škaljić